

第卑隘無異微時時人益重其操卒祀鄉賢

忠義

夏武後千戶所後所百戶正統六年征斷藤峽賊銳甚官兵幾敗武冒刃突陣斬賊數人賊潰官軍乘勢掩殺遂獲勝武沒於陣軍門錄其功陞其子為副千戶

崑國輔字世生左州人天啟元年恩貢授永平府判時邊陲多故督催糧餉協濟無虞尋以親老乞休歸以禮化俗會交彝聞州城輔同州守日夜捍禦計殺交兵無算以糧盡力窮城陷不屈被害祀鄉賢

獨行

何埕崇善人嘉靖時補府學正精舉業好登覽所至輒有題

太平府志

卷之三十五

三

咏事父母甚孝赴省考貢忽接父病信即不入考踉蹌歸父病未痊焚香頂禱祝求以身代常嘗父羹以驗病狀及父卒埕處苦塊哀號徹晝夜路人為之感泣有司以聞詔建孝子坊旌表

陳才崇善永興都民家貧好施官渡磚道賴圯才家惟有一池鬻以葺之人爭笑之不恤也嘉靖癸巳歲大歉饑殍載路知府唐弼翔漏澤園瘞之才以錢米給役者遍歷原野悉收骸骨雖勞不辭陀陵縣土官黃球慕才名延之去會盜劫球才與焉行篋皆盡知府江一桂重才行誼召才謂之曰若以球故劫吾將責球償汝所失才曰盜劫球非球欲也球所失視尤多奈何反責球償江益賢之

十舉鄉飲大賔既宴家益貧守益勵知府周允列其行於督府檄府以金帛旌之

黃琮思明府土官廣成第八子時思明州缺守當道知琮賢檄琮署州事交趾侵西平琮以署印官往禦之賊退即勒兵歸或問之琮曰吾所守者印也今以孤軍遠留邊境設不能守盜奪印去則如之何眾服其識景泰二年府亂諸當道議署府者咸曰非琮不可乃檄琮署府事琮夙夜圖維定其亂成化元年遙授承事郎

黃瓊土官廣成子景泰二年府亂民心搖杭或謂瓊曰盍行矣曰是吾父母邦吾安往哉竟出身任其事上書督府請兵致討都御史李棠執首亂誅之民賴以安

太平府志

卷之三十五

四

黃鉞思明土官黃瑄次子喜讀書或勸之仕曰吾讀書為賢人使吾父為賢者父為榮大矣一官何足為親榮宗族咸稱之凡郡事有大疑難質之於鉞一兩言而立決

黃鐔思明府土官黃瑄少子幼負奇氣性甚孝父及於難鐔即輕身欲手刃父仇人解之曰君欲為父報仇而先自輕其身則報仇之具失矣反貽仇家笑乃止朝夕謀所以報仇者普諸江曰不為父報仇者有如江後竟復其仇交蘇聞鐔名皆為憚伏

陸祥思明府人仗俠有謀略善應對土官黃瑄聘祥女配其子鈞生道景泰間瑄老鈞襲瑄嫡子錄怨同計于瑄庶子瑄瑄遣子震徵兵思明夜襲瑄鈞瑄之任